

卷廿四

艺文志

传志类

哀祭类

富春靈峯夏氏族譜

项目	页起 数止		
贈夏伯定滌庵先生灵峰夫子	七七至九零	夏节母传	九零至一零一
夏节母何氏传	九一	节孝倪孺人墓誌名	一零一至一零二
夏节母朱孺人行略	九一至九二	夏母李孺人节孝纪略	一零二
夏节母陆孺人传	九二	夏母汪安人墓誌名	一零三至一零四
纪贞叔事蹟	九二至九三	勅封安人夏母汪安人墓表	一零四至一零六
张孺人传	九三至九四	先妣汪安人行略	一零六至一一二
节母章孺人传	九四至九五	节母夏孺人王氏墓誌名	一二一至一三
夏节母傅孺人传	九五至九六	夏靖叔妻楊孺人墓誌名	一二三至一二四
旌节黄孺人贞烈纪略	九六至九七	先姐夏节妇行略	一二四
节母何孺人传	九七	杭州府富阳县孺学为钦奉	一一五至一一九
夏节母徐氏传	九七至九八	寿妇朱氏五世同堂题旌册	一一九至一二五
夏母李孺人行略	九八	节母申屠孺人家传	一二六

[illegible]

諱承熙幼而穎異方當舞象勺躍然有遠舉之志維時瑞章親翁庭訓綦严延名师鍵戶課誦亶亶不倦崧亭佩服訓教日有孳孳涉经史精骑射乐与勝己者交是以弱冠遊庠癸酉获雋乡闈南宮试后旋出都効职期满赴闽历仕泉漳二郡辦公勤慎大憲称其能薦拔之戊子春入观天顏特授福州左協守備乃益自奋勉凡倡率士弁步伐止齐恩威并济而有法且秉性孝友常以不克迎养为歉孺慕依依频寄廉俸以備甘旨之供遇有異物珍馐必遞以獻事继母亦如之尤厘念于伊弟纯熙家书中再三諄復最以读书上进是诚以父母之心为心者欤岁辛卯适逢国庆覃恩荣贈二代崧亭请将本身妻室誥封貤贈祖父母由是观之则其推恩锡类之心又曷有罄耶今当纂修譜牒爰述亲翁义方之教貽谋之善俾知今日之得享天綰邀恩锡光大前人垂裕后昆者其来有自兼示纯熙用勗显扬之志庶几后先继美云爾

進賡俚言四韻

雄才恢傑智如神
幕府威聲震八閩
坐鎮從容鈴閣靜
定教勲業照麒麟

試馬平原春草柔
三山日暖擁輕裘
遙知細柳風高處
玉節牙璋寵渥優

閩外清霜寒宝剑
城頭新日挂瑯弧
自来儒將饒風度
鸚鵡在卿云水在壺

巍科早掇趁雄飛
取次鵬程達帝畿
何事傳經羨劉向
桂板含露正芳菲

皇清乾隆三十七年歲次壬辰季秋下浣之吉

例授修職郎歲貢生候選儒學曹懋俊拜撰

贈夏伯定丁丑

長白寶廷

吁嗟乎夏伯定乃世間之至迂至闊至狂至妄人古人尚罕覲求之近今安有倫天生此人豈无用惜哉美質未陶甄吁嗟乎伯定一身都是骨泰山壓頂強不折吁嗟乎伯定一腔都是血灑篇四海水皆熱上下五千年縱橫十萬里眼中惟有忠定李忠定已死不再來獨學無師難成材吁嗟乎天生夏伯定何爲哉

寄懷夏伯定 壬午仲冬訪君靈峰忽忽三年感懷身世率賦二章有暇何妨和之古人原不廢吟永也甲申長白寶廷

大風吹雪滿江干谷口云迷竹萬竿景物依稀心尚憶光陰迅速指空彈生存幸得身何補死別虽非見恐難若許操舟重訪戴山中十日願盤桓

閉戶荒庐歲再周壯懷銷盡勝窮愁石頑敢望媧重鍊天遠焉知杞獨憂大海風濤何日息空山著作几時休真儒豈忘安攘略泉

石爭容久自由

寄懷夏伯定戊子

長白寶廷

莊泉廬墓幾經春血染麻衣泣路人豈願有名稱孝子可憐無福
作忠臣三年水旱同枯骨四海仇讎盡比鄰差喜時平兵已弭窮
途猶得保閒身

家和靈峰先生見寄元韻

長汧黃冤南

誰踵平湖後靈峰道與同敬心跡聖域巨筆補天功富貴胸襟外
蒼生夢寐中何年籌虎幄瞬息掃西戎

濂洛關閩後偏翻議論新伸眉功道學俯首奉經神南北悲歧路

艰危寄此身天涯师范在宗仰约同人

应敏齐方伯书来盛称夏伯定虞部之贤钦企实深虞部又赋二绝句见寄愧承厚意勉和如数仍祈方伯转达为幸戊子

江南溧阳强汝询

早用文章登省关更闻奏议动京师富春江水清如镜壮岁归来浣素丝

老去无成愧疚深敢言笙磬託同音蒙童正类羊公鹤辜负名流一片心

赠夏伯定工部丙申

夏工部真丈夫浩气英姿旷世无致君堯舜不得志翛然归臥富春庐君年弱冠已通籍籤授曹郎营缮职洛阳年少本多才治安

徑上書生策當時政府尚優柔一味模稜萬事休直請上方斬馬
劍臣頭願易佞臣頭兩宮慈聖怒轉喜不謫長沙歸故里歸來獨
立振儒宗異學張皇標正指一卷楹書著悔言六年廬墓全人紀
聲名從此溢寰區門外時停訪道車追憶彈章罷樞密還因使節
問山居吁嗟乎周孔道孟韓輔宋朱程踵其武繼者誰夏工部

送夏滌庵先生膺薦入都庚子

蕭山黃元壽

堯舜病五味調元五臣進文王傷療民召伯甘其棠古今世宙无
常局惟在人才秉鈞軸在漢孝武朝迎有蒲輪推有轂在唐貞觀
中群賢會萃凌烟閣在宋无祐時理學昌明濂與洛太平誰致亂
者誰陳迹彰彰青史垂漸江靈秀桐江聚有夏黃公綺角侶顧問
彤廷薦九齡增光日月揚徐渢泰山之云觸石興化為雨兮潤區

宇峰阳之桐孤榦生裁作琴兮中商羽呜呼爛羊头关内候墨勅
降黄纸投朱紫雍容陈芻狗繭丝杂沓牽车牛诸公袞袞行非学
何怪儒书遭匪薄群兒噐噐学非行何怪蠻夷轻上国我为苍生
拍手歌此行待造元元福

赠夏伯定先生奉召入关庚子

萧山黄元寿

一拳椎碎金门锁一肩挑起三纲堕烽火纒山满目愁羽书莫起
疆臣卧先生见此愤填膺为道今吾非故我诏书徵我我不行乎
平世巢由无不可时艰迫我我不行忘世终讥荷蕢果宫车西望
神魂飞跋涉关山经坎坷千言万言痛哭书不盡胸中餘磊砢蒙
难方知箕子贞行藏筮得明夷火願君正气格朝廷陆沈庶免神
州禍

奉送夏滌庵工部东归辛丑

山东荣城柯绍文

殿前折檻尚嶙峋欲挽滔滔又乞身
百二河山秦得地五千甲楯越无人
论都事大关宗社抗疏名高动搢绅
见说曹羈三谏去不堪西望屬车塵

贈夏工部伯定辛丑

湖南易順鼎

生不能学刘永福死不能学吴可读
惟应归去守空山侶猿友鶴老耕牧
我從癸巳銜母恤又從乙未遭国訐
捐軀蹈海徒空言被髮入山非实録
覩顔视息今尚存奔走人寰羈利祿
每思世事何足悲惟念此身真可哭
夙闻海内有夏子东南畸士天钟毓
一生僵臥冰雪中只飲湖光餐山淥
祠堂有記慕子陵封禪无书愛君
復我方麻鞋赴行在君亦蒲輪趨
輦轂龍門龍川兩策外再見中

兴策十六长安城中三尺雪湘子庙前一间屋访君忍寒共太息
坐对同云垂惨黷君言南山雪稍消便当归钓桐江曲谁为吾皇
赋白驹勿令贤士歌黄鹄方今虎狼据北极两宫蒙塵備憂辱时
艰更甚乙未年款议虽成禍将酷三纲日沦四维裂天降白禍滅
黄族我经憂患不学道舊日意气早消缩闻君足音乃跼然始觉
乾坤是空谷愿君辣手著春秋愿君鐵肩擔宇宙橘比伯夷行不
渝松与大舜生使独读书尚友数十年落落何人在心目有宋一
代李忠定有明一代于忠肃吁嗟乎有宋一代李忠定有明一代
于忠肃

呈滌庵先生

肖山黄充寿

六月间先生自行在归備述西安近事指髮痛心兹成七律

四首錄呈尊覽非敢云詩聊以紀實事鳴不平而已嗚呼此行足
千古矣九月十二日

不雨西郊但密云蕭條車馬出青門側身无地悲三黜知我惟天
远九閭急淚并流柴市血謂救趙尚書不果同心长繫柳橋魂謂文柳
橋話侍御別圖千磨百折冰霜里博得怀忠兩字恩

凤德何衰問彼蒼非关見沮有臧仓班随仗馬暗无语义衍公羊
蔽也狂谁定中原將鹿逐定与但看世变盡鴟张南皮归程特展尼
山墓一片丹忱对素王

枝叶全繇本实戕厉階原不在豺狼神求金马终虚幻淚下铜驼
更惨伤附势青绳讒一谥同声黄鸟哭三良謂莊王毓賢趙舒翹從今
披髮投簪去目断觚棱掛夕阳

殘月明星夜五更草成奏疏耿元精上方劍纯朱云請謂鋤奸疏未
上西域槎沈博望行謂使俄罢议回首关中雄虎踞伤心桥畔听鶉

声扁舟归向桐江隐不著羊裘钓远名

呈伯定先生戊申

湖北岳鄰

历盡风震踏徧塵铁肩道义见斯人行藏瞻寓千秋业學術充为
四海春欲化征诛归揖让先從礼乐起经纶灵峰秀出东山后应
有堯天命世臣

寄滌先生辛亥

直隸高賡恩

君于庚戌春至都为学侶所留余未之知也比秋安晓峰过我于
秦始知之因附一简至都而君两寓书并致 大著十册暨 君
两座主奏议各二册抵秦时 君已还富春矣屡欲裁復以关学

草创家屬多故未果辛亥陬月始得屬筆牀觸长多抒为长句不知其言之糾纏而忘所忌也

舊雨长安一相遇而今我復游长安上书行在成已事美人遙在白云端十年蹤跡隔烟霧秦楼东眺憑闌干安期谓安晓峰侍御海上报消息少微星采落人间瑶岛西来青鸟使燕京一纸随羽翰君书为寄感时淚糝将墨汁同洑瀾眎我鴻篇半书牒大筆能追蘇与韩谓灵峰存稿刘噉徧採諸葛集传之海内兹不刊谓竹和二公坡季奏议振聳发瞶驚殊俗吾志已毕休盘桓思乡两味张季膺去国五噫梁伯鸾

從兹跨鶴扬州月富春江上寻鱼竿我欲东归苦羈紲高軒不得相追攀赤松山畔幽棲处时见閒云相行还吾謀不用斯已耳豈其憖置斯民艰桃源桑麻那得入淮南鸡犬空僊班善保微軀且有待知君黑头猶好顏我年七二尚清健苦吟錄与故人看此志

非敢忘溝壑要辨鴻毛與泰山寧效屈平葬楚澤倘隨表聖終王
官蒲柳餘生自將息天付斯文非等閒退或皋比贊木鐸進則晚
照披葵丹同心千里似明月夢魂長繞嚴陵灘

舟過里山有懷夏伯定辛丑

長白文治

云樹蒼茫何處尋幽居江畔入山深吾謀不用遲歸去知是猶懷
戀闕心

夏伯定靈峰存稿書后

大名山斗挽狂瀾理有程朱學有韓光緒季年宣統始斯文
示國門刊

師儒砥柱賴傳人世道匡扶寄此身獨禰紫陽綿絕統位
濟濂洛冊功臣

大名藉重实之宾正学微言欲牖民宰相不曾功社稷让公衛道
布衣身

身遭疑谤叹离群西学诬民道泯焚后五十年天悔禍日星復旦
见斯文

送行古风一首呈灵峰夫子

浙江诸暨徐道政

先生来时雁北嚮先生去时雁南征南北随阳春有脚春来春去
物枯荣人道十月阳春小岭头媒花树树好我独悲秋值秋杪离
笛催人人欲老君不见西风黄叶满燕市报道先生今归矣先生
一去春亦去黍谷歟春无邹子矧值冰霜沍成冬天心如醉人心
死可吁嗟乎文明古国五千春撥拾秦灰诗书存汉氏训诂誇家
法宋儒义理重反身狂禅未仆群吠起陆王而后惠戴侈邪说滔